



Moyse tend le Tabernacle, où Dieu descend en forme de nuée, qui est adoré par le peuple d'Israël.

PRES que Dieu fut appaisé par la priere de Moyse, il luy dist; Va, & monte d'icy, toy & le peuple que tu as tiré du pays d'Egypte, en la terre pour laquelle i'ay iuré à Abraam, Isaac & Iacob, disant; Je la donneray à ta semence, & t'enuoyeray l'Ange ton Precurseur, afin que ie chasse le Chananéen, l'Amorrhéen, Hethéen, Pherezéen, Heuéen & Iebuzéen, & que tu entres en la terre coulante de lait & de miel. Et Moyse prenant le Tabernacle, l'estandit bien loin hors du camp, & l'appella le Tabernacle d'Alliance; & tous ceux qui auoient quelque chose à demander, entroient au Tabernacle dehors le camp. Quand Moyse venoit au Tabernacle, tout le peuple se leuoit, & vn chacun se tenoit à l'entrée de son pauillon, regardant apres Moyse, iusques à ce qu'il fust entré dans le Tabernacle: & quand Moyse y estoit entré vne colombe de nuée descendoit, & s'arrestoit à la porte du Tabernacle, & le Seigneur parloit avec luy. Ce que voyant tout le monde, vn chacun estoit debout, & adoroit dés la porte de son pauillon. Et le Seigneur parloit à Moyse face à face, comme l'on a accoustumé de parler à son amy. Et quand Moyse estoit retourné au camp, son seruiteur Iosué fils de Nun, ieune enfant, ne bougeoit du Tabernacle.

Exode 33. Chap.